

حیات

هیئت دائماً هیئت... ریاست دها هیئت قانالم...

اداره مرکزی :
آنقره ده ، استانبول جاده سنده آنقره
معارف امینلکی باشده کی دائره
استانبول بوروسی :
استانبولده ، باب عالی جاده سنده ۸۷ نومروده
دائرة مخصوصه

نومروسی هربره ۱۰ غرورده .
سنه لکی بو سنه ایله ه لیرا .
(اجنبی مملکتلر ایچین ه دولار)
ایونه واعلان ایشلری ایچین استانبول بوروسی
مراجعت ایدیلمی .
یازی ایشلر تله مرجعی آنقره مرکزیدر .

صافی : ۲۹

آنقره ، ۱۶ حزیران ، ۱۹۲۷

۲ نجی جلد



انقلاب تربیه سی

کچن سنه «تورک استقلال حربی» نامیه
یالکز عسکری تاریخ دکل ملی تربیه اعتباریه ده
چوق قیمتی بر اثر نشر ایدهن ارکان حرب
بیکباشیلرندن جودت کریم بک، معارف وکالتنک
تشیبی اوزرینه ابتدا «آنقره» ده ویردیکی قونفه
رانسلی اخیراً دارالفنون قونفرانس سالوننده ده
تکرار ایتدی . خلقک چوق بو یوک و صمیمی
بر علاقه یله تعقیب ایتدیکی بو قونفهرانسلیک ،
انقلاب تربیه سی اعتباریه نه قدر مهم و مؤثر
اولدیغنی سوبله مک بیله زاندر . چونکه ، خطیمک
موجز و واضح افاده سنی عیناً قوللانهرق دییه
بیلیرک : «دوغرودن دوغرویه ملتک کندی
اثری اولان استقلال مجاهده سی، تورکی، عصرلر
دولورون معظم ماضیسندن مستغنی قیلاجق
ویالکز کندیسيله فخر و تسلی به کفایت ایده جک
اولان باشلی باشنه بر منقبه در . استقلال حربی
بو کونکی نسلی بو کونکی و یاریشکی حرکت ایچون
بردستور ، یاریشکی نسله بوتون عمرنجه بر کتاب
استقامتدر .

حقیقه ، انقلابمیزک مختلف صفحه لری ،
« موندروس » دن « لوزان » و « دینی سلطنت »
شکلندن « عصری جمهوریت » اداره سنه قدر دقتله
تعقیب ایدن بر مشاهد ایچون ، بو انقلابک عظمت
و شمولی قارشیسنده تورک ملتک حیات قابلیتته
و تورک حیایت و قابلیتتی بوتون قوتیه تمثیل ایدن
بو یوک غازی به حیران و مفتون قانالم امکانسزدر!

ایشته جودت کریم بک قونفهرانسلی ،
انقلابمیزک وسعت و عظمتی ، یالکز دماغلره
دکل روحلرده خطاب ایتک صورتیه ، کنیش
بر خلق کتله سنه آ کلامقله انقلاب تربیه سنه
اعظمی خدمت ایتش اولدی . بو یوک انقلابلر
یاپان ملتر ایچون ، انقلابدن سوکرا ، «انقلاب
تربیه سی» نه اعظمی اهمیت ویریلک ایجاب ایدهر .
هله یزم انقلابمیز کی مملکتی « قرون وسطائی »
تقلیلردن قورتاران چوق دهرین و شمولی بر
انقلابدن سوکرا ، بو تربیه و تلقین مسئله سی
بوسبوتون حیاتی بر ماهیت آلیر . روسیاده
دولاشدیغیم زمان ، اوراده بو مسئله یه نه قدر
بو یوک اهمیت ویریلدیکنی و روس انقلابچیلر -
ینک بو خصوصده نه بو یوک مساعی صرف ایتدکلرینی
کورمشدم : هر طرفده وبالخاصه بو یوک مرکز لرده
آچیلان مکمل « انقلاب موزهلری » ، جدأ
بو یوک غیرتلیک محصولی ایدی . خلقک مختلف
طبقه لرینه منسوب انسانلر ، بیکلرجه مکتب
طلبه سی بو موزهلری کزیورلر ، روس انقلابنک
مختلف صفحه لرینه دائر خطیلر طرفندن ویریلن
ایضاحاتی دیکلیورلردی . کتابلر ، غرافیکلر ،
خریطه لر ، هیکلر ، چوق صنعتکارانه یاپیلش
تابولر ، خطیلرک ایضاحاتی سامعلرک کوزی اوکنده
بر قانداها جانلاندیرمقده ایدی . چوق دفعه
« سینه ما فیلملری » ده کرک بو موزهلرده کرک
مملکتک اک هجرا کوشه لرنده بو « تلقین و تربیه »
ایشنه اعظمی موفقیتله یاردم اییدیوردی .

خلقه انقلاب تربیه سی ویرمک ، یعنی ، انقلابک
مفکوره لرینی ایلك مکتب صیرالرنده کی جو جوقلر -
دن او قویوب یازمه بیلیمین اختیار کویولوره قدر
تکمیل اجتماعی طبقه لر آراسنه یایمق ایچون
قومشولرمیزک صرف ایتدکلری بو مساعی به

حیران اولماق امکانسزدر . موزهلر ، قونفه
رانسلی ، فیلملر ، الیوکسک فکری سوبه ده کی
انسانلردن اک بسیط کویولوره قدر مختلف
سوبه لرده کی خلقه خطاب ایدهن آری آری
زنکین نشریات ، بو خصوصده چوق قوتلی
واسطه لره ؛ فقط بونلردن باشقا ، شاعرلر ، تیاترو
مؤلفلری ، موسیقی شناسلر ، رساملرده
صنعتلرینک سحر تلقینیه عین غاییه خادمدرلر .
دینیه بیلیرک بو خصوصده عادتاً « معنوی بر
سفر برک » اعلان ایدیلمشدر .

بو فعالیتتی بو یوک بر تقدیر ایله کوردکن
سوکرا ، دویدیم ایلك حس ، مملکتسزده ده
بو یله بر فعالیتک باشلامه سنی تمی ایتک اولمشدی .
ایشته جودت کریم بک قیمتی و جانلی
قونفهرانسلی ، بو تمیلرمیزک - بر آز یاواش
اولسه ده - تحقق ایتمک باشلادیغنی کوسترمک
اعتباریه بزم چوق امیدبخش اولدی . آرتق آ کلا -
شیلورکه معارف و کالتیز انقلاب مفکوره لرینی یالکز
مکتب صیرالرنده کی کنجیله تلقین ایتمکله اکتفا
ایتمه جکدر ؛ بو مفکوره لر کی کنیش خلق کتله لر کی
آراسنه یایمق ایچون قونفهرانسلردن ، کتابلردن ،
فیلملردن ، خلاصه بوتون فکر و صنعت واسطه
لرندن استفاده ایده جکدر . تورکیه نک ، تورک
ملتک استقبالی ، بوتون خلق صنفلرینک انقلاب
مفکوره لر کی اطرافنده کال حرارتله طوپلانمه سنی
استزام ایدیور . معلم و متفکرلر مز ، صنعتکارلر مز
بو حقیقتی شهسز هر کسدن داها اینی آ کلا -
مشلردر . بناء علیه معارف و کالتنک باشلادیغنی
بو بو یوک ایشه اونلرک بوتون قوتلریله اشتراک
ایتمه لر کی طبیعیدر .

استقلال مجادله لرمیزک زنکین و یوکسک
خاطره لرینی بو کونکی و یاریشکی نسللرک حافظه سنه

اتحار و اجتماعیات

— ۳ —

اولجہ دہ سو بلہ دیکم کی انسانل اجتماعی برزمرہ، معشری بر ایڈہ آلہ کافی درجہ دہ قوتلہ مربوط بولندقلری زماندرکہ اتحارہ میل ایدرلر. فقط فردلرک بر زمرہ یه پک فضلہ مربوط بولندقلری، معشر طرفندن سانکہ بلع اولندقلری تقدیرلر دخی، شخصیتلرینک کل ایچندہ غائب اولسانک اولنری اتحارہ سوق ابتدکی واقعدر. بو، ابتدائی جمعیتلر دہ بعضی زمانلر دہ عسکر آراسندہ کورولن آخر ایچون اتحار «Le suicide altruiste» اتحاردر.

ابتدائی جنلرک بر جوغندہ انسانلر، اختیارلقدن ٹولکی عیب عدایدرلر دی. بو عادتلرک اُسکی دایمارقہ. لیلر دہ، غوتلر دہ، ویسیفوتلر دہ، اسکی ترا کیالیلر دہ، الخ. موجود اولدیغنی، اسکی مورخلرک آثارندہ کورویورز. قومیات عالملری بولنرک فیجی، یکی هه بریدا آدلرندہ وسائر بعضی برلر دہ دہ موجود اولدیغنی قید ایدیور. اکثریا قادیلرک، قوجه لری ٹولد کدن سوکرا یاشاماماسی واولنرک مزاری باشندہ کندیلرینی ٹولدور. مہلری عادتدر. اُسیرلر، بندہ لر «Les serviteurs» عمیلر «Les clients» دہ بعضاً بونی تقلید ایدر ورٹیسلری، یاخود افندیلری ٹولنجہ، اتحار ایدرلر. بو تقدیر دہ دخی اتحارلر - اساساً معترضلر مک دہ قبول ابتدکی کی - آنجق اجتماعی سبیلرلہ ایضاح اولنہ بیلیر.

بو تقدیر دہ اتحار، حقیق بر وظیفہ اجتماعی دہ. طول قادین قوجه سنک، اسیرلر افندیلرینک مزاری اوزرندہ اتحار ایتمزلر سہ، پک آغیر اجتماعی جزالہ دوچار اولورلر. افرادی بو عادتلرہ اجبار ایدن، صورت عمومی دہ دخی اعتقادلرہ مستند جمعیتک، زمرہ نک ایڈہ آلیدر. لاتین مورخلرک روايتنہ کورہ اسکی جرمنلر اکثریا اہمیتسز سبیلر ایچون، مثلا غرور سائقہ سی، مردلک ابرازی مقصدی ایلہ ویا ٹولومدن قورقادیلرینی اثبات ایچون کندیلرینی ٹولدور. ورلر دی. شہہ سزگہ اولنر بولہ بر حرکتہ اکثریا مجبور دکلر دی و اتحار ایتمہ نجہ قانونی هیچ بر جزایہ اوغرامازلر دی؛ فقط افکار عمومی دہ دائماً اولنرک اتحارینہ مساعددی. افکار عمومی نک ییجدیکی جزا، هیچ بر قانوندہ تصریح ایڈلہ مش اولقلہ برابرینہ شائی بر جزادر.

فقط آخر ایچون اتحارک اک معنیدار مثالرینہ، عسکر آراسندہ تصادف اولنور. حرب عمومی دن سوکرا کی سنہ لرہ عائد احصائیات جدولری شیمدی بندہ یوقدر؛ فقط حرب دن اول، غربک بوتون بویوک مملکتلرندہ، فرانسه، انگلترہ،

آلمانیا دہ عسکر آراسندہ اتحار، سویلرلر آراسندہ کندن نسبتاً فضلہ ایدی. صیراسی گلشکن قید ایڈہ لم کہ بودہ، اتحارلر حد اجتماعیسنک عضوی وروحی عاملرلہ ایضاح اولنہ میہ جفتہ بر دلیلدر؛ زیرا هر مملکتک اوردوسی، کرک بدن، کرک ذہن اعتباریلہ اک سالم اولان فردلری احتوا ایدر. بو حادثہ ناصیل ایضاح اولنہ بیلیر؟

بوکا سبب اوله رقی اکثریا، خدمت عسکر یه دن استکراھی کوستہ ربرلر. اصل مسلکی عسکرک اولمانلرک اوردویہ انتسابی معتاد فعالیتلرندہ بر انقطاعہ سببیت ویردیکی بونک، ضعیف فردلر دہ فتور ومہ لائقولی تولید و اولنری اتحارہ سوق ابتدکی سویلہ نیور. بوسبب دوغرو اولسہ ایدی سویل حیاتلرندن داها ییکی آیرلش کنج عسکرلر آراسندہ، قیشلہ دہ بر قاج آئی کہ چیرمشرلر آراسندہ کندن فضلہ اتحار حادثہ سی اولماسی ایجاب ایدردی. حال بوکہ بونک عکسی اولیور ویکی سلاح آلتہ آلتان افراد، اسکیلر دن داها آز اتحار ایدیور. دیگر جہندن خدمت مجبور یه دعوت اولنلرک، کولکلیرلر، مسلکاری اعتباریلہ عسکر اولان بومسلکی کندی آرزولری ایلہ اختیار ایتمش ضابطلر دن، کوچوک ضابطلر دن داها آز اتحار ایتمہ سی لازم کلیردی. حادثات، بوفرضیہ یه دہ تکذیب ایتمک دہ در. مسلکاری اعتباریلہ عسکر اولان ضابطلر و کوچوک ضابطلر، کولکلیرلر آراسندہ اتحار حادثہ لری، علی العادہ عسکرلر آراسندہ کندن فضلہ در. بو وقایعک سبیلرینی دہ عسکر جمعیتک ماہیت اجتماعیہ سندہ آرامالیدر.

اوردودہ - ذاتاً بو خدمت مجبور یه سایہ سندہ اوردونک دہ موقراسی یه ابتدکی اییلکلر دن بریدر - فردی فرقلر غائب اولقہ میل ایدر. هر فردک شخصیتی سیلینر. هر کس بردورلو کیننر، هر کس بر نومرو ویا بررتیہ دن عبارت قالیر. عسکر جمعیتی داخلندہ کی مناسبات، فطمی بر صورتندہ تعیین اولنمشدر. قیمت شخصیه سی نہ اولورسہ اولسون ملازم یوزباشی یه، یوزباشی بیکباشی یه، بیکباشی میر آلا یه، الخ. اطاعتلہ مکفدر. حائز اہمیت اولان شی، سلسلہ مراتبہ اشغال ایڈیلن موقعدر. بر زمان کلوب بعضی افراد، فردیتلرینک نظر اعتبارہ آلتاماسنہ، شخصیتلرینک عادتاً انحلال ایتمہ سنہ عصیان ایڈہ بیلیر. ایشتہ انسانی فضلہ صیقان بر مہ قانیزما قارشیسندہ کی بو عصیان، اولنری اتحارہ سوق ایڈہ بیلیر.

احصائیات جدولرلرندن چیقان معنادہ، بوفرضیہ یی تأیید ایتمک دہ در. بر انسان عسکرک ماکنہ سنک دیشرینہ نہ قادر قاپیلر سہ، اتحار نقطہ نظرندن اوقادار تہلکہ یه معروضدر. بو، کولکلر افرادک، مسلکاری عسکرک اولانلرک اتحارہ دیگرلرندن فضلہ متایل اولماسنی ایضاح ایدر. اولنر، عسکرک مہ قانیزماسی طرفندن تمامیلہ بلع اولنمشدر. اولنرہ شائی شخصیتلری، هر دور لو قیمتدن محروم بر اقیلمش کی کورونور. ایشتہ بونک ایچوندرکہ ضابطلرلہ کوچوک ضابطلر، نفرلر دن فضلہ اتحار ایدر. اصل مسلکاری عسکرک اولان کوچوک ضابطلر، ضابطلر دن فضلہ اتحار ایدر؛ چونکہ ضابطلر، بالخاصہ سلسلہ


مراتبہ ایلرلہ دیکہ، اداره وظائفتی ایفا ایدر، بر درجہ یه قادر حق تشبہ مالکدر و بوسورتلہ، شخصیتلرینی اظهارہ امکان بولورلر.

استطراداً قید ایڈہ لم کہ بو تحریات، عملیات ساحہ سی ایچون پک فائدہ لی فکرلر ویرہ بیلیر. اولنر، ضابطلرک، افرادہ پک یاقین بولنماسی ایجاب ابتدکی کی کوستہ رپور، ضابطلر، امرلری آلتندہ بولنلان افرادی برر برر طایفہ، هر برینک قیمتی تقدیر ایتمک، ذوقلرینی آکلامقہ، هر برندن نہ کی خدمتلر بکلنہ بیلہ جکنی اوکرنمکہ غیرت ایتمہ لیدر. بوسورتلہ عسکر، ہیئت عمومیہ ایچندہ غائب بر نومرو واولق حسندن انسانی تذلیل ایدن، کوچندیرن بو حسدن قور تولور. عسکرلر آراسندہ کی اتحارلرک اوکنہ کچک ایچون یکانہ چارہ بودر. ذاتاً شوراسنی اعتراف ایتمہ لی کہ بوتون اردولر دہ ضابطلر، امرلری آلتندہ بولنلان افرادیلہ کوندن کونہ فضلہ مشغول اولیور و هر برینک شخصی مزیتلرندن استفادہ یه چالیشیور. اساساً عسکر - لکدہ کوندن کونہ تراید ایدن اختصاص حقیقی «La spécialisation» هر فردیتدن داها فضلہ استفادہ ایڈلہ سنہ امکان بخش ایدیور. مثلاً مترالویزجی سلاحنی سومکہ، اونوی ایچہ آکلامق ایچون پیالیشمقہ باشلیور و عسکرلرک صورت عمومی دہ رفقہ چالیشدینی شخصیتدن بر قسمنی، بو اختصاص مشغولیتی سایہ سندہ تکرار ایڈہ ایدیور. ایشتہ بونک ایچوندرکہ اردولرک اکثریسندہ اتحار حادثہ لری آزالقندہ در. ضابطلر وظیفہ لرینی ایچہ ادراک ایدرلر سہ عسکرلر آراسندہ اتحار حادثہ لری، سویلرلر آراسندہ کندن داها آز اوله جقدر؛ زیرا او زمان اوردو فرد اوزرندہ آزیجی بر تأثیر اجر ایتمہ جک، بالعکس اوکا یاردم ایڈہ جک، اونک ایچون، طولیادینی بوتون افرادہ مظاهر کوسترن زمرہ اجتماعیہ اوله جقدر.

دورقہام، اجتماعیات نقطہ نظرندن، هم خودکام اتحار دن (suicide egoïste) هم دہ آخر ایچون اتحار دن باشقہ اوچنجی بر اتحار تپی دہا آیری بیور. بو، هر دورلو اجتماعی بحر انلرک، انتظامسز لنگ سببیت ویردیکی اتحاردر. دورقہام بوکا آتومیک اتحار دیمہ سنی تکلیف ایدیور. (Suicide anomique).

A = ادات نفی، Nomos = قاعدہ.)
اقتصادی بحر انلر دائماً اتحار صالغینلرینہ سببیت ویرمشدر. ۱۸۸۲ سنہ سندہ پاریس بورسہ سندہ مالی بویوک بر بحر ان اولمشدی. پارسدہ اتحار حادثہ. لرینک عددی بردن برہ یوزدہ ایدی تراید ایدی. بو تراید، بالخاصہ بورسہ بحر اننی تعقیب ایدن اوچ آئی طرفندہ محسوس ایدی. ویانہ دہ ۱۸۷۳ سنہ سندہ پک وخیم بر بحر ان مالی اولدی. بو بحر ان انسانندہ اتحار حادثہ لری فوق العادہ تراید ایدی.

ذاتاً آشاغیدہ دہ سویلیہ جکم کی، بو تراید دہ فنا بحر انلر زمانندہ اولدینی کی خیرلی بحر انلر زمانندہ دہ اولور. اورتہ حالی ایکن بردن برہ بویوک ثروت صاحبی اولان آدم دہ، زنکیئلکی بردن برہ فقرہ دوچار اولان آدم قادر اتحار تہلکہ سنہ معروضدر. فی الحقیقہ اودہ بردن برہ، کندیسنہ بوسوتون یابانجی اولان، عاداتی بیلہ دیکی



ملی تاریخ تحقیقاتی

دیوشیرمه لر، عجبی اوغوللر

- ۱ -

عثمانی تورکلرده دیوشیرمه اصولی برنجی مراد زماننده باشلامشدر . بومشله حقنده ، (تواریخ آل عثمان) نامی آلتنده اولق اوزره کرک فاتح و کرک ایکنجی بایزید زماننده یازیلش اولان مؤلفی مجهول ومعلوم بوتون اثرلرین فکریده در . مثلاً (اوروج بک تاریخی) نده شو جملهلر واردر : « واردلر اوغلان دیوشردلر کتوروب اناطولیده ترک قومنه اولشدردلر جفت سوردردلر وخذ مثلندلر وهم ترکیه اوکرندلر اوج بیل درت بیل اولدقدنصرکه کتورب قیوده یکی چری آتدیر آق بورک کیدردلر اصلده یکی چری بک بنیادی بودر اول وقتدن برو آدن یکی چری قودلر . فقط عین زماندهده « هر آقندن کلن اسپردن بکرمی بش آقچه و بش اسپردن برسن اله بوتریب اوزرنه اولدلر » (۱)

شیمدی به قادر (تاریخ آل عثمان) یازان بوتون تورک مؤرخلری ایله آوروپاده تورکیه به دایر الکی زمانلرده واک یکی زمانلرده تاریخ یازان خالغوندیلس ، بر طراندون ، ریفو ، باربارو ، یورغا ، حتی آلمانیاک الکی بویوک مؤرخ رانکه ، هپ کندی تدقیقلری نتیجه سنده بونی قبول ایشلردر . بوکون آوروپاده بوفکری یالکز آلمان پروفیسورلردن فریدریخ کیزه ، اوده قبول ایمیور دکل ، کندنجی تاویل ایدیور ، و دیوشیرمه اصولک « برنجی مراد شیطانی بر اثر ایجاد اولیوب ، بلکه ، اوزون ومسلل بر تکامل نتیجه سیدر » دیهرک ایکنجی مراد زماننده اولماسنه احتمال وریبور .

کوبرلی زاده محمد فواد بک (تورکیات مجموعی) نده ، پروفیسور کیزه بک بو مسئله به دایر یازدینی مقاله نکه ترجمه سنی نشر ایشدر (۱) . مقاله ده دیوشیرمه مسئله سنه دایر عیناً شوسطرلر موجوددر : « بو تشکیلاتک برنجی مراد دورنده اولماسنده هیچ بر معنا یوقدر . چونکه اوزمان ، اجرا ایدیلن بر جوق سفرلر طولایسیله اسرا مبدولاً موجوددی . دهوشیرمه تشکیلاتندن بحث ایدن مؤخر عثمانی مؤرخلر - که کیونس ده اولنر له التحاق ایشدر (ص - ۱۱۹) - بو تشکیلاتک برنجی مراد دورنده وقوع اولدینی سویلیورلر . المزده بو خصوصه فوق العاده شایان اعتماد بر شاهد واردر . بو ذات Bartholomeus de jena ۱۴۳۳ تاریخده یازیبور :

(۱) اوروج بک تاریخی ، ص ۲۲ عاشق پاشا زاده ، ص ۵ - تواریخ آل عثمان ، یازما .
(۲) مقاله نکه عنوانی : (عثمانی امپراطورلغنک تشکیلی مسئله سی) ، مترجمی : کوبرلی زاده محمد جمال ، (تورکیات مجموعی) ، ص ۵ آغستوس ۱۹۲۵ .

موظف بولنان بر قادین ذکاسنی ، معلوماتی ایسته دیکی قادارانکشاف ایندیره من . فعالیتی - مشروع فعالیتی قصد ایدیورم - هر آن بر انکل قارشیننده بولنور . ایسته بونک ایچوندرکه او ، هرشیدن اول قادینی حمایه ایدن بر تدبیر اولان طلاقه ، داها ممنونیتله مراجعت ایدر . طلاق قبول ایتمه یین جمعیتلرده قوجه لی قادینلرک اتخاره قوجه سز قادینلردن زیاده میل ایتمه سی و طلاقک تطبیق اولدینی جمعیتلرده ایسه بونک عکسی واقع اولماسی ایسته بونکله ایضاح اولنه بیلیر .

ذاتاً بو مشاهده لردن ارککلر ، کندیلرینه بک فائده لی نصیحتلر چیقارهبیلیرلر . ارککلک غرورمن بزه ازدواجده تعدد زوجاته اولان انسیاقنی فدا ایتمه یی ایچون الکی بویوک فدا کارلغک ارکک طرفندن کوسته . رلدیکنی ظن ایدیرر . حال بویکه ایی دوشونولجه ، تعدد زوجاتی قبول ایتمه یین ازدواجده الکی بویوک فدا کارلغی بلکه قادین کوسته رپور . زوجلر ، بونی بعضاً دوشونولیدر . ازدواجک ، زوجهلرینک فردینتک انکشافنه بک انکل اولماسنه غیرت ایتمه لیدرلر . ارکک کبی قادینک ده فکری احتیاجلری ، اکتساب معلومات احتیاجلری واردر . ارککلک اولنره حرمت ایتمه سی و اولنرک تطمیننه چالیشماسی لازمدر . عائله آراسنده آ کلاشه مامازلغه سبب جوق دفعه لرا ارککلک ، زوجه سنی آتجق اوک اداره سیله موظف عد ایتمه سندن و اوکا آتجق بر ساحه ده حق تثبیت بخش ایتمه سندن نشأت ایشدر . بو موضوعی ، « تورک قادینلر بر الکی » نکه نظر دقتنه عرض ایدهرم . بو کنج وفعال جمعیت ، اونی فائده لی بر صورتده توسیع ایدهبیلیر .

امید ایدهرم که بو بر قاج مقاله ، اتخار مسئله سی حقنده اجتماعیاتک مدعاسنک نهدن عبارت اولدینی کوستریمکه کفایت ایده جکدر . اتخارلرک حد اجتماعینک ایضاحی آتجق اجتماعیاتجیلرک صلاحیتی داخلنده در . اتخارلرک نه ایچون پروتستان جمعیتلرنده قاتولیک جمعیتلردن ، بکارلرده اولیلردن ، زوجه سندن آیرلش ارککلرده اولیلردن ، کرک ایی ، کرک فنا بحراندلر کچیرهن مملکتلرده ساکن مملکتلردن فضله اولدینی آتجق اجتماعیاتجیلر ایضاح ایدهبیلیر . فقط روحیاتجیلرله طیبیلر کندی ساحه لری داخلنده بولنان بوتون فردی وقعه لری تحلیل ایتمکله بزه فوق العاده قیحتلی معلومات وریورلر ؛ ذاتاً بو تحلیل ، اجتماعیاتجیلرک صلاحیتی داخلنده دکدر . عمومی سبیلرک بالخاصه هانکی فردلر اوزرنده اجرای تأثیر ایتمه یی ، هانکی مزاجلری داها زیاده قاورادینی ، الکی صیق تصادف اولنان اتخار تیبیلرینک هانکیلری اولدینی ، الخ . بزه طیبیلرله روحیاتجیلر بیلدیره جکدر . بو صورتله اجتماعیاتجیلرله روحیاتجیلرک وطیبیلرک تشریک مساعی ایتمه سی سایه سنده حادثه نکه ، عمومی اسباب اجتماعیه سندن تظاهرات فردیه سنه قادر داها ممنونیت بخش و داها تام بر صورتده ایضاحی قابل اوله بیله جکدر .

استانبولده کی اتخارلر حقنده یایدیم تدقیقاتک و اولنردن چیقاردیم معنارک آ کلاشه بیله سی ایچون بو اوزون مقدمات ، نیجه ضروری ایدی . اتخارلر حقنده کی مساعیمی « حیات » ک کله جک نسخه سنده نشره باشلیه جنم .

استانبول دارالفنونق و غلطه سرای لیه سنده معلم ، فلدیه آغره ژه سی

ماتس برنفرسی

بر عطفه کچیروربور . یکی وضعیتی سایه سنده کندینی قبول ایدیردیکی بو اجتماعی زمهره ده ، بر یاناشمه کیدر . بردن بره زنکین اولانک ، انسانی ، بردن بره فقیرلشک قادر اتخاره سوق ایتمه یی بالتجربه ثابتدر . فقط اقتصادی بحراندلردن باشقه بحراندلرده واردر ؛ مثلاً عائله بحراندلری ده ، اجتماعیات نقطه نظرندن ، هیچ شبهه سز دیکرلری قادر وخیمدر . طلاقلر منحنیسی ایله اتخارلر منحنیسی آراسنده اولدجه شایان دقت بر موازنت بولندینی جوقدن بری مشاهده اولنمشدر . مثلاً فرانسه ده ، قاریسی پوشامش ارککلر اولیلردن ۴ الی ۵ دفعه فضله اتخار ایتمکده در . حال بویکه زوجه نکه وفاتی ، هیچ ده بویله بر تأثیر اجرا ایتمور . بوحال ، روحیات نقطه نظرندن ، فوق العاده شایان حیرت کوزوکه بیلیر ؛ زیرا علی الاکثر طلاق زوج و زوجه نکه آرزوسیه اجرا ایدلیدیکی ، اولنری تخلیص ایتمه یی حالده زوج و زوجه دن برینک وفاتی اکثریا المی باعث اولور . بناء علیه بو حادثه نکه سبیلرخی ، بالذات عائله مؤسسه سنک ماهیتنده آرمالیدر . فقط دیکر جهتدن طلاقک ، زوج و زوجه اوزرنده بر اقدینی تأثیرک بر اولمادینی مشاهده اولونیور . طلاقک تطبیق ایدلیدیکی وصیق صیق تصادف اولدینی مملکتلرده طلاق ، قادینک اتخاره قارشی اولان میلی آزالندینی حالده ارکک اوزرنده عکس تأثیر اجرا ایدیور . طلاقک ممنوع اولدینی ویا بک نادراً تطبیق اولدینی مملکتلرده ایسه بالعکس قوجه لی قادینلرک وضعیتی داها غیر مساعددر ، حتی اولنر قوجه سز قادینلردن داها جوق اتخار ایتمکده در . دینله بیلیرکه « ازدواج قادینی ، طلاقک تطبیق ایدلیدیکی نسبتده اتخاردن قورومقده در » بو حادثه یی ناصل ایضاح ایتمه لی؟

دورقهایم بو خصوصه ده ، ازدواج حقنده بسله نیلن فکرلری بر آلت اوست ایدن فوق العاده عارفانه بر سبب کوسته رپور . ازدواج نهدر ؟ ازدواج جنسلر آراسنده کی مناسبتلری ، زوج و زوجه نکه احتیاجات حیاتنی نظام آلتنه آلان بر مؤسسه در . ازدواجده ، بالخاصه تعدد زوجاته جواز ویرمه یین ازدواجلرده ، سومک احتیاجلری صراحتله تعیین اولنمشدر . وظیفه لرینه حرمت ایتمک ایسته یین ارکک ، قاریسنه صادق قالمق محبوریننده در . بو محبوریت اونک سکوتی و موازنه سنی تأمین ایدر و بو صورتله اونی ، بکارلغه خاص اولان و انسانی اکثریا بدینی به ، بعضاً اتخاره سوق ایدن و دائماً سقوط خیاله منجر اولان تعقیبدن قورناریر . ارکک ، ارککلک وظیفه سنی کورمک ایچون بویله جه اکثریا آرزولرینک تحدید ایدله سنه محتاجدر . بو صورتله طلاقک فضله تطبیق ایدلیدیکی مملکتلرده ارکک ایچون ، طلاقک آز تطبیق ایدلیدیکی مملکتلرده اولدینی قادر امنیت یوقدر .

قادین ایچون بو مسئله ، محسوس بر صورتده ده کیشیر . علی الاکثر قادینک آرزولری ، ارککلک کندن محدوددر . بک نادبر قاج مستثناحال خارج طوتیلورسه ، یالکز یاشایان قادین ذوق پشندن ارکک قادر قوشماز . بناء علیه ازدواجک تحدیداتی قادین ایچون اودرجه ده فائده لی دکدر . بالعکس ازدواج قادین ایچون ، فردینتک انکشافنه ، اکثریا بر مانع تشکیل ایدر . قوجه سی ، چوققولری اولان ، اونک اداره سیله